



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՍՅՈՒՆԻՔԻ ՄԱՐԶԻ ԿԱՊԱՆ ՀԱՄԱՅՆՔԻ ԱՎԱԳԱՆԻ

ՈՐՈՇՈՒՄ N 56-Ա
10 ՄԱՅԻՄԻ 2023թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶԻ ԿԱՊԱՆ ՀԱՄԱՅՆՔԻ ԾՐԱԿԱ ՄԻՋԱՎԱՅՐԻ ԵՎ ԲՆԱԿԶՈՒԹՅԱՆ ԱՌՈՂՋՈՒԹՅԱՆ ՊԱՀՊԱՆՄԱՆ 2024 ԹՎԱԿԱՆԻ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով, «Ընկերությունների կողմից վճարվող բնապահպանական հարկի նպատակային օգտագործման մասին» Հայաստանի Հանրապետության օրենքի 4-րդ հոդվածի 4-րդ կետով, համաձայն Հայաստանի Հանրապետության կառավարության 2002 թվականի սեպտեմբերի 26-ի թիվ 1544-Ն որոշման և հաշվի առնելով Կապան համայնքի ղեկավարի առաջարկությունը, **Կապան համայնքի ավագանին որոշում է.**

1. Հաստատել Հայաստանի Հանրապետության Սյունիքի մարզի Կապան համայնքի շրջակա միջավայրի և բնակչության առողջության պահպանման 2024 թվականի ծրագիրը՝ ընդհանուր 166918,93 հազար դրամ արժողությամբ, այդ թվում՝ բնապահպանական միջոցառումների մասով – 161918,93 հազար դրամ և առողջապահական միջոցառումների մասով – 5000,0 հազար դրամ, համաձայն հավելվածի:

2. Առաջարկել համայնքի ղեկավարին օրենսդրությամբ սահմանված կարգով և ժամկետներում հաստատված ծրագիրը ներկայացնել Հայաստանի Հանրապետության Սյունիքի մարզպետարան՝ Հայաստանի Հանրապետության շրջակա միջավայրի նախարարություն ներկայացնելու և պետական ֆինանսների կառավարման բնագավառում Հայաստանի Հանրապետության կառավարության լիազոր պետական մարմնի միջոցով 2024 թվականի պետական բյուջեի նախագծում ընդգրկելու համար:

Կողմ(21)

- ԱՆՈՒՇ ՄԵԺԼՈՒՄՅԱՆ
- ԳՈՌԹԱԴԵՎՈՍՅԱՆ
- ԶՈՐԱՅՐ ԳԱԼՍՏՅԱՆ
- ՅՈՒՐԻԿ ՀԱՐՈՒԹՅՈՒՆՅԱՆ
- ԱՆԺԵԼԱ ԱԼԵԲՍԱՆՅԱՆ
- ԱՐՇԱԿ ՀԱՐՈՒԹՅՈՒՆՅԱՆ

ԱԼԵՆ ՄԱՐՏԻՐՈՍՅԱՆ
ՀԱՍՄԻԿ ՄԱՐՏԻՐՈՍՅԱՆ
ՏԻԳՐԱՆ ԻՎԱՆՅԱՆ
ԱՐՏՅՈՄ ՀԱՐՈՒԹՅՈՒՆՅԱՆ
ՍՈՆԱ ՄԱՐՏԻՐՈՍՅԱՆ
ԱԼԵՔՍԱՆԴՐ ԳՐԻԳՈՐՅԱՆ
ԱՐՏԱԿ ԽԱԶԱՏՐՅԱՆ
ԱՐՄԵՆ ՀՈՎՀԱՆՆԻՍՅԱՆ
ՀԵՐՄԻՆԵ ՄԻՔԱՅԵԼՅԱՆ
ԱՐԹՈՒՐ ԳԵՎՈՐԳՅԱՆ
ԳԵՎՈՐԳ ԴԻՆՈՒՆՑ
ՆԱՐԻՆԵ ԳՐԻԳՈՐՅԱՆ
ԺԱՆՆԱ ՎԱՐԴԱՆՅԱՆ
ԱՍԱՏՈՒՐ ԱՍԱՏՐՅԱՆ
ԷՐԻԿ ԿՈՍՏԱՆԴՅԱՆ
Դեմ (0)
Ձեռնպահ (0)

[Handwritten signatures on lines]

ՀԱՄԱՅՆՔԻ ՂԵԿԱՎԱՐԻ
ԱՌԱՋԻՆ ՏԵՂԱԿԱԼ

ԳՈՒ ԹԱԴԵՎՈՍՅԱՆ

2023թ. մայիսի 10
ք. Կապան



Հավելված
Կապան համայնքի ավագանու
2023 թվականի մայիսի 10-ի թիվ 56-Ա որոշման



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՍՅՈՒՆԻՔԻ ՄԱՐԶ**

ԿԱՊԱՆ ՀԱՄԱՅՆՔ

Ծ Ր Ա Գ Ի Ր

**ԿԱՊԱՆ ՀԱՄԱՅՆՔԻ ՇՐՋԱԿԱ ՄԻՋԱՎԱՅՐԻ
ԵՎ
ԲՆԱԿՉՈՒԹՅԱՆ ԱՌՈՂՋՈՒԹՅԱՆ ՊԱՀՊԱՆՄԱՆ**

ԿԱՊԱՆ – 2023

ՆԱԽԱԲԱՆ

Կապան համայնքի շրջակա միջավայրի և բնակչության առողջության պահպանման 2024թ. ծրագիրը կազմվել է «Ընկերությունների կողմից վճարվող բնապահպանական հարկերի նպատակային օգտագործման մասին» ՀՀ օրենքի /ՀՕ-188, 15.05.2001թ./, ՀՀ կառավարության 2002 թվականի սեպտեմբերի 26-ի «ՀՀ Կառավարության որոշումը տեղական ինքնակառավարման մարմինների կողմից առաջարկվող բնապահպանական ծրագրով նախատեսված միջոցառումների իրականացման առաջնայնությունը և դրանց ֆինանսավորման համամասնությունները «Ընկերությունների կողմից վճարվող բնապահպանական հարկի նպատակային օգտագործման մասին» ՀՀ օրենքի 3-րդ հոդվածի համաձայն հաստատված և առաջիկա տարվա պետական բյուջեով նախատեսված ծրագրում համայնքի ավագանու կողմից առաջարկվող փոփոխությունները ՀՀ Բնապահպանության նախարարության ու ՀՀ Առողջապահության նախարարության հետ համաձայնեցնելու կարգերը հաստատելու մասին» N 1544-Ն և 2014 թվականի փետրվարի 27-ի «Բնապահպանական ծրագրերի մշակման (նախագծման) կարգը հաստատելու մասին» N 197-Ն որոշումների պահանջներին համապատասխան:

Նախատեսվող ծրագրի խնդիրները, նպատակները և կենսագործման անհրաժեշտությունը՝

Կապանը Հայաստանի Հանրապետության լեռնահանքային արդյունաբերական կենտրոններից մեկն է: Պղնձի և բազմամետաղային հանքավայրի երկարամյա շահագործումը, շրջակա տարածքներում իրականացված և իրականացվող երկրաբանահետախուզական աշխատանքները, խոշոր պոչամբարների առկայությունը, հին հանքախորշերի փլուզման վտանգները, սողանքային ակտիվությունը, ժամանակին կատարված տարածքի անտառների անկանոն հատումները, քաղաքի միջով անցնող և խոշոր բեռնատարների երթևեկությամբ ծանրաբեռնված միջազգային ավտոմայրուղին քաղաքի բնության և բնակչության առողջության համար էկոլոգիական մեծ ռիսկեր են պարունակում:

Կապանի միջով հոսող Վաչագան գետը սկիզբ է առնում Խուստուփ լեռան հյուսիս-արևելյան լանջերից: Վաչագան գետի երկարությունը 11 կմ է:

Գետը հոսում է քաղաքի կենտրոնով, և թվում է, թե հենց դրանով ապահովված կլինի քաղաքի յուրահատուկ գեղեցիկ տեսքը, սակայն գետը լցված աղբը, քարերն ու ավազը այլ տեսարան են ստեղծում:

«Ընկերությունների կողմից վճարվող բնապահպանական հարկի նպատակային օգտագործման մասին» ՀՀ օրենքի 3-րդ հոդվածի համաձայն (շրջակա միջավայրի տեղական և տարածաշրջանային աղտոտվածության դեմ պայքարը, որը ներառում է մթնոլորտային օդի և ջրային ռեսուրսների պահպանության աշխատանքներ և միջոցառումներ), համայնքը նախատեսում է 2024 թվականին շարունակել 2023 թվականի ծրագիրը, այս անգամ ներառելով Սյունիքի մարզպետարանի հարակից կամրջից մինչև Ողջի գետի հետ հատման հատվածը՝ մաքրելով Վաչագան գետի հունը, վերանորոգելով/վերականգնելով բետոնե հարթակները/հայելային պատկերներն ու հենապատերը:

Հարկ ենք համարում նշել, որ 2021 թվականի բնապահպանական ծրագրով Վաչագան գետի վրա կառուցվել է ջրավազան, որտեղ կուտակվում են քարերը, ավազը և ծառերի ճյուղերը: 2023 թվականին կմաքրվի և կբարեկարգվի Կապանի բժշկական

կենտրոնից մինչև մարզպետարանի հարակից կամուրջն ընկած հատվածը: 2024 թվականին նախատեսվող աշխատանքները 2021 և 2023 թվականներին կատարված աշխատանքների տրամաբանական շարունակությունն են, քանի որ գետի այս հատվածը նույնպես կմաքրվի, իսկ արդեն իսկ կառուցված ջրավազանը հնարավորություն է տալիս խուսափելու հետագա աղտոտումից:

«Ընկերությունների կողմից վճարվող բնապահպանական հարկի նպատակային օգտագործման մասին» օրենքով սահմանված համայնքին մասհանվող գումարով նախատեսվում է իրականացնել Սյունիքի մարզպետարանին հարակից կամրջից մինչև Ողջի գետին հատվող հատվածը ներառող աշխատանքները: Ծրագրով նախատեսվում է մաքրել 6510 քմ տարածք /երկարությունը՝ 465 մ, լայնությունը՝ 14 մ/: Նախատեսվում են նաև բետոնե հարթակների, գետի հենապատերի վերականգնման և վերանորոգման աշխատանքներ:

Գետի ենթակառուցվածքների բարեկարգման նպատակով այլ ֆինանսական միջոցներով կիրականացվի ճաղավանդակների, բազրիքների վերանորոգում, նոր ճաղավանդակների տեղադրում, կից մայթերի վերանորոգում, դիտահորերի նորոգում բարձրացումով՝ 2 հատ, փտած և վնասատուներով վարակված ծառերի հանում և նոր ծառերի տնկում, 3 հատ հետիոտն կամուրջների ձևափոխում, մայթերի և գետի համար լուսավորության համակարգի անցկացում:

Այսինքն, Կապան համայնքի շրջակա միջավայրի և բնակչության առողջության պահպանման 2024 թվականի ծրագրի բնապահպանական մասի խնդիրը Վաչագան գետի ներկայիս անբարեկարգ և աղտոտված վիճակն է: Ներկայիս վիճակը շտկելու, գետը մաքրելու և մաքուր տեսքը պահպանելու նպատակով համայնքը նախատեսում է մաքրել գետը և բարեկարգել գետի ենթակառուցվածքները:

Կապան համայնքի Օխտար բնակավայրը խոշորացված համայնքի 38 գյուղերից մեկն է: Այն գտնվում է մարզկենտրոնից 16 կմ, մայրաքաղաքից 288 կմ հեռավորության վրա: Գյուղում գործում է դպրոց:

Կապան համայնքի շրջակա միջավայրի և բնակչության առողջության պահպանման 2024 թվականի ծրագրի առողջապահության մասի միջոցառումների շրջանակում համայնքը նախատեսում է բարեկարգել Օխտար գյուղի բուժկետը: Այսինքն միջոցառման խնդիրը Օխտար գյուղի բուժկետի ներկայիս անբարեկարգ վիճակն է: Խնդիրը լուծելու նպատակով նախատեսվում է գյուղի նոր կառուցվող Նախատեսվում է կառուցել 2024 թվականին/ վարչական շենքից 1 սենյակ հատկացնել բուժկետին: Որպես բուժկետ առանձնացված սենյակն ունի 8,32 քմ մակերես: Բուժկետի սենյակի կառուցման գումարը կազմում է 5,0 մլն դրամ:

Արդյունքում կբարձրացվի բնակչությանը տրամադրվող առաջին բուժօգնության և բուժսպասարկման ծառայության մակարդակը:

Ծրագրի առաջնայնությունները սահմանվել են նկատի ունենալով համայնքում բնահպանական և առողջապահական ակնառու խնդիրների առկայությունը, ինչպես նաև՝ *հաշվի առնելով* համայնքի և շրջակա տարածքների վրա լեռնահանքային արդյունաբերության բացասական ազդեցությունը,

համոզված լինելով, որ հնարավոր չէ համայնքի կայուն զարգացումը առանց բնապահպանական բաղադրիչի,

գիրակցելով մարդու լիարժեք կենսագործունեության համար էկոլոգիական անվտանգության ապահովման կարևորությունը:

2010 թվականին Կապան քաղաքում «Շրջակա միջավայրի և բնակչության առողջության պահպանության» ծրագրով իրականացվել է «Կապանի բժշկական կենտրոն» ՓԲԸ-ի տարածքում սեպտիկ թափոնների, թաղման փոսի և սրածայրի կառուցում: 2011-2012 թվականներին իրականացվել են Ողջի գետի մաքրման աշխատանքներ: 2013-2019թթ «Շրջակա միջավայրի և բնակչության առողջության պահպանության» ծրագրով իրականացվել է Կապան քաղաքի Արամ Մանուկյան փողոցի մայթի բարեկարգման, ծառերի էտման, հատման, ծառատնկման և տարածքի կանաչապատման ու վերանորոգման աշխատանքներ: Աշխատանքներն իրականացվել են ոչ միայն պետական բյուջեի, այլ նաև համայնքի բյուջեի և դոնոր կազմակերպությունների կողմից հատկացված գումարներով: 2020 թվականին, ինչպես հանրապետության այլ համայնքներում, այնպես էլ Կապանում, շրջակա միջավայրի և բնակչության առողջության պահպանման ծրագիր չի իրականացվել: 2021 թվականին Վաչագան գետի վրա կառուցվել է ջրավազան, 2023 թվականին նախատեսվում է մաքրել և բարեկարգել Վաչագան գետի մի հատվածը:

Նախորդ տարիներին առողջապահական ծրագրերի մասով վերազինվել են համայնքի ՆՈՒՀ-երի և մարզադպրոցների բուժկետները, ինչպես նաև նախկինում լեյշմանիոզի դեպքեր արձանագրած թաղամասերում իրականացվել են աղբարկղների և օրգանական աղբի կուտակումների մշակումներ /ախտահանում/ երկարատև մնացորդային ազդեցության միջատասպան նյութերով: Առողջապահական միջոցառումներն իրականացվում են համայնքի բյուջեի միջոցների հաշվին: 2021 թվականի առողջապահական մասով նորոգվել է Արծվանիկ գյուղի բուժկետի համար նախատեսված տարածքը, ծրագիրն իրականացվել է համայնք-պետություն համագործակցությամբ՝ համայնքների տնտեսական և սոցիալական ենթակառուցվածքների զարգացման ուղղված սուբվենցիայի ծրագրերի շրջանակներում:

Ծրագրի ակնկալվող արդյունքները՝

Նպատակ 1 Շրջակա միջավայրի տեղական և տարածաշրջանային աղտոտվածության դեմ պայքար

Խնդիր 1 Ջրային ռեսուրսների պահպանություն, աղտոտվածության նվազեցում, մթնոլորտային օդի մաքրության պահպանություն

Գործողություն 1 Կապան համայնքի Կապան քաղաքով հոսող Վաչագան գետի մաքրում և գետի ենթակառուցվածքների բարեկարգում:

Արդյունք ա/ Վաչագան գետի աղտոտվածության նվազեցում,

բ/ դրական ազդեցություն՝ Վաչագան գետի կենսաբազմազանության վրա,

գ/ Քաղաքի գեղեցիկ տեսքի վերականգնում,

դ/ Գետի ենթակառուցվածքների բարեկարգում,

ե/ Հարակից մայթի նորոգում, վնասված ծառերի հանում, նոր ծառերով փոխարինում,

զ/ Բնակչության անվտանգության /անվտանգ տեղաշարժի/ ապահովում:

Խնդիր 2 Առողջապահական համակարգի հզորությունների ուժեղացում

Գործողություն 1 Կապան համայնքի Օխտար գյուղի բուժկետի համար նախատեսված սենյակի կառուցում:

Արդյունք ա/ կրարելավվի Օխտար գյուղի բնակչությանը մատուցվող առաջին բուժօգնության և բուժսպասարկման մակարդակը:

բ/ Կրարձրանա բնակիչների առողջության պահպանմանն ուղղված կանխարգելիչ միջոցառումներն ապահովող գործընթացների մակարդակը:

Իրագործման փուլերը / Ժամանակացույցը/

«Ընկերությունների կողմից վճարվող բնապահպանական հարկի նպատակային օգտագործման մասին» օրենքով սահմանված համայնքին մասհանվող գումարով ծրագիրը նախատեսվում է իրականացնել 2024 թվականի ընթացքում՝ փետրվարից-դեկտեմբեր ընկած ժամանակահատվածում:

Իրականացման համար անհրաժեշտ ծախսերը

Բնապահպանական հարկից համայնքի բյուջե մասհանվող գումարով՝ 161 918 930 ՀՀ դրամով, նախատեսվում է մաքրել գետի հունը, վերականգնել և վերանորոգել բետոնե հարթակները և հենապատերը: Այլ ֆինանսական միջոցներով կիրականացվի գետի ենթակառուցվածքների՝ ոչ բնապահպանական բնույթ կրող նորոգման աշխատանքները, ծրագիրը կազմման և հաստատման պահին գումարը հստակեցված չէ:

Օխտար գյուղի բուժկետի սենյակի կառուցման աշխատանքները կրկին կիրականացվեն այլ ֆինանսական միջոցների հաշվին, աշխատանքների իրականացման գումարը նախնական հաշվարկներով կազմում է 5 000 000 ՀՀ դրամ: Կապան համայնքի շրջակա միջավայրի և բնակչության առողջության պահպանության 2024 թվականի ծրագրի ընդհանուր արժեքը կազմում է 166 918 930 ՀՀ դրամ:

ԱՄՓՈՓՈՒՄ

Ծրագրի իրականացմամբ կյուծվեն համայնքի համար կարևոր՝ Վաչագան գետի աղտոտվածության և Օխտարի բուժկետի սենյակի կառուցման խնդիրները:

Ծրագրի իրականացումը կնպաստի համայնքի բնակչության համար մաքուր, առողջ և անվտանգ կենսամիջավայր ստեղծելուն, ինչպես նաև դրական ազդեցություն կունենա շրջակա միջավայրի վրա:

ՀԱՄԱՅՆՔԻ ՂԵԿԱՎԱՐԻ ԱՌԱՋԻՆ ՏԵՂԱԿԱԼ
ԳՈՌ ԹԱԴԵՎՈՍՅԱՆ



Կապան համայնքի 2024թ. շրջակա միջավայրի և բնակչության առողջության պահպանման ծրագրի ֆինանսավորման աղյուսակները

Հ/Հ	Միջոցառման անվանումը	Ծրագրի արժեքը, ընդամենը /հազ. դրամ/	Այդ թվում բառ ֆինանսավորման աղբյուրների՝			Ծանոթություն
			պետական բյուջե /հազ. դրամ/	տեղական բյուջե /հազ. դրամ/	այլ /հազ. դրամ/	
I	Բնապահպանական միջոցառումներ	161918,9	161918,9	0,0	0,0	
1	Շրջակա միջավայրի աղտոտվածության դեմ պայքար՝	161918,9	161918,9	0,0	0,0	
1.1	Կապան համայնքի Կապան քաղաքի Վաչագան գետի հունի մաքրում, բետոնե հարթակների, գետի հենապատերի վերականգնում և վերանորոգում	161918,9	161918,9			Ծրագրով նախատեսվում է մաքրել 6510 քմ տարածք /երկարությունը՝ 465 մ, լայնությունը 14 մ/: Այլ ֆինանսական միջոցներով մախատեսվում են նաև հետևյալ աշխատանքները՝ բետոնե հարթակների /հայելային պատկերներ/ վերականգնում, վերանորոգում, հենապատերի հիմքերի ուժեղացում, հենապատերի վերականգնում, վերանորոգում, ճաղակներում, մայթերի վերանորոգում՝ վերականգնում, բետոնե բազիլների քանդում, նոր ճաղակներում, բետոնե բազիլների վերանորոգում՝ ճաղակներում 465 մ, դիտանորների նորոգում բարձրացումով՝ 2 հատ, փտած և վնասատուններով վարակված ծառերի հանում և նոր ծառերի տնկում, 3 հատ հետիոտն կանաչների ձևափոխում, մայթերի և գետի համար լուսավորության համակարգի անցկացում:
II	Առողջապահական միջոցառումներ	5000,00	0,00	0,00	5000,00	
1	Կապան համայնքի Օխտար գյուղի բուժֆեյտի սննդակի կառուցում	5000,00			5000,0	Նախատեսվում է կառուցել բուժֆեյտի համար նախատեսված սննդակ
ԸՆԴՀԱՆՈՒՐ		166918,93	161918,93	0,00	5000,00	

Աշխատակազմի քարտուղար՝ *Զ. ԸՇԵՇԻ* Նելլի Շահնազարյան

**Կապան համայնքի 2024 թվականի բնապահպանական և առողջապահական ծրագրերում ընդգրկված միջոցառումների իրականացման
առաջնությունները, ֆինանսավորման համամասնությունները և աղբյուրները**

N	Միջոցառման անվանումը	Գումարը /հազ. դրամ	Պերական բյուջե /հազ. դրամ	Այլ /հազ. դրամ	Համամասնությունը %
I	ԲՆԱՊԱՀՊԱՆՈՒԹՅՈՒՆ	161918,93	161918,93		97,0
1	Կապան քաղաքի Սյունիքի մարզպետարանին հարակից կամրջից մինչև Ողջի գետի հետ հատման հատված՝ Վաչագան գետի հունի մաքրում, բետոնե հարթակների, գետի հենասպատների վերականգնում և վերանորոգում	161918,93	161918,93		97,0
II	ԱՌՈՂՋԱՊԱՀՈՒԹՅՈՒՆ	5000,00		5000,00	3,0
1	Կապան համայնքի Օխտար գյուղի բուժկետի սենյակի կառուցում	5000,00		5000,00	3,0
	ԸՆԴԱՄԵՆԸ	166918,93	161918,93	5000,0	100

Համաձայնեցված է

Շրջակա միջավայրի նախարար


Հ.Սիմիոյան
« 25 » մայիսի 2023թ.


Հավելված

Կապան համայնքի 2024թ.

բնապահպանական ծրագրի

**Կապան համայնքի 2024 թվականի բնապահպանական ծրագրով նախատեսված միջոցառումների
իրականացման առաջնությունները և դրանց ֆինանսավորման համամասնությունները**




Կապան համայնքի 2024 թվականի բնապահպանական ծրագրով նախատեսված միջոցառումների իրականացման առաջնայնությունները և դրանց ֆինանսավորման համամասնությունները

Հ/Հ	Միջոցառման անվանումը	Գումարը /հազ. դրամ/	Համամասնությունը%
	ԲՆԱՊԱՀՊԱՆՈՒԹՅՈՒՆ	161918.9	100.0
	Վաչագան գետի հունի մաքրում, բեպոնե հարթակների, գետի հենապատերի վերականգնում և վերանորոգում՝ Սյունիքի մարզպետարանին հարակից կամրջից մինչև Ողջի գետի հետ հարման հատվածը	161918.9	100.0
	ԸՆԴԱՄԵՆԸ	161918.9	100.0

Համաձայնեցված է

Հայաստանի Հանրապետության
Առողջապահության նախարար

Անահիտ Ավանեսյան


« 13 » 04

2023թ

Հավելված

«Կապան համայնքի շրջակա միջավայրի և բնակչության
առողջության պահպանման» 2024թ ծրագիր

Կապան համայնքի 2024 թվականի շրջակա միջավայրի և բնակչության առողջության պահպանման ծրագրով
նախատեսված միջոցառումների իրականացման առաջնայնությունները և դրանց դիմաց Ֆինանսավորման
համամասնությունները

N	Միջոցառման անվանումը	Գումարը /հազ. դրամ	Պեղական բյուջե /հազ. դրամ	Այլ /հազ. դրամ	Համանամությունը %
I	ԲՆԱՊԱՀՊԱՆՈՒԹՅՈՒՆ	161918,93	161918,93		97,0
1	Կապան քաղաքի Սյունիքի մարզպետարանին հարակից կամրիցի մինչև Ողջի գետի հետ հաստան հատված՝ Վաչագան գետի հունի մաքրում, բետոնե հարթակների, գետի հենապատերի վերականգնում և վերանորոգում	161918,93	161918,93		97,0
II	ԱՌՈՂՋԱՊԱՀՈՒԹՅՈՒՆ	5000,00		5000,00	3,0
1	Կապան համայնքի Օխտար գյուղի բուժկետի սենյակի կառուցում	5000,00		5000,00	3,0
	ԸՆԴԱՄԵՆԸ	166918,93	161918,93	5000,0	100